



შეთანხმება

სსიპ – შოთა რუსთაველის საქართველოს ეროვნულ სამეცნიერო ფონდსა (ფონდი)

და

ჰელმჰოლცის ცენტრს (გერმანია):

იულიხის კვლევითი ცენტრი (FZJ),

ჰელმჰოლცის დრეზდენ-როზენდორფის ცენტრი (HZDR), და

ჰელმჰოლცის მძიმე იონის კვლევის ცენტრი (GSI)

შორის

მაგისტრანტებისა და დოქტორანტებისთვის საქართველო-გერმანიის ერთობლივად
დაფინანსებული პროგრამის შესახებ

სსიპ- შოთა რუსთაველის საქართველოს ეროვნულ სამეცნიერო ფონდსა (შემდგომში – „ფონდი“) და იულიხის კვლევით ცენტრს შორის 2020 წლის ივლისს გაფორმებული ურთიერთგაგების მემორანდუმის (i), 2022 წლის მაისში ჰელმჰოლცის დრეზდენ-როზენდორფის ცენტრსა და საქართველოს განათლებისა და მეცნიერების სამინისტროს შორის გაფორმებული ურთიერთგაგების მემორანდუმის (ii) და 2023 წლის იანვარში ჰელმჰოლცის მძიმე იონის კვლევის ცენტრსა და საქართველოს განათლებისა და მეცნიერების სამინისტროს შორის გაფორმებული ურთიერთგაგების მემორანდუმის (iii) საფუძველზე, მხარეები თანხმდებიან ერთობლივი კვლევითი-საგანმანათლებლო პროგრამის შემდგომში გაგრძელებისა და განახლების თაობაზე. - „GGSB პროგრამა“.

1. ხელშეკრულების საგანი

მხარეები თანხმდებიან განახორციელონ ერთობლივი კვლევითი საგანმანათლებლო პროგრამა, რომელიც ხელს შეუწყობს გერმანიასა და საქართველოს შორის თანამშრომლობის გაღრმავებას, ასევე უზრუნველყოფს ივ. ჯავახიშვილის სახელობის თბილისის სახელმწიფო უნივერსიტეტიდან, საქართველოს ტექნიკური უნივერსიტეტიდან, ილიას სახელმწიფო უნივერსიტეტიდან, საქართველოს აგრარული უნივერსიტეტიდან, თავისუფალი უნივერსიტეტიდან, ქუთაისის საერთაშორისო უნივერსიტეტიდან ან საქართველოს სხვა უნივერსიტეტებიდან (ჰელმჰოლცის ცენტრთან შეთანხმებით) წარდგენილი მაგისტრანტებისა და დოქტორანტების სამეცნიერო სტაჟირებას გერმანიაში.

სამართლებრივი საფუძველი:

- ურთიერთგაგების მემორანდუმი ჰელმჰოლცის დრეზდენ-როზენდორფის ცენტრს, ჰელმჰოლცის მძიმე იონის კვლევის ცენტრსა და საქართველოს განათლებისა და მეცნიერების სამინისტრო (MES, საქართველო) კვლევის, განათლებისა და ცოდნის გადაცემის თანამშრომლობის შესახებ (ხელმოწერილი თანმიმდევრობით 2022 წლის მაისში და 2023 წლის იანვარში) - დანართი 1 და დანართი 2;
- 2020 წლის აპრილის ურთიერთგაგების მემორანდუმი საქართველოს განათლების, მეცნიერების, კულტურისა და სპორტის სამინისტროსა და იულიხის ცენტრს შორის „გრძელვადიანი სამეცნიერო და საგანმანათლებლო თანამშრომლობის შესახებ ქართულ-გერმანული სამეცნიერო ხიდის ფარგლებში“ – დანართი 3;
- იულიხის კვლევით ცენტრსა და სსიპ – შოთა რუსთაველის საქართველოს ეროვნულ სამეცნიერო ფონდს შორის 2020 წლის ივლისის „კვლევის, განათლებისა და ცოდნის გადაცემის სფეროში თანამშრომლობის შესახებ“ ურთიერთგაგების მემორანდუმი – დანართი 4.

2. პროგრამის მიზნები და ამოცანები:

2.1 პროგრამის მიზნები:

- მიეცეთ ქართველ სტუდენტებს შესაძლებლობა ესტუმრონ მსოფლიოში წამყვან გერმანულ კვლევით ცენტრებს (FZJ, HZDR, GSI) - გამოცდილების მისაღებად და წარმართონ უახლესი, მაღალი დონის კვლევები, როგორც ფუნდამენტური, ისე გამოყენებითი მიმართულებით.
- ხელი შეუწყოს გერმანულ ცენტრებს, რათა საქართველოს უნივერსიტეტებიდან მოიზიდონ საუკეთესო სტუდენტები სამაგისტრო და სადოქტორო პროგრამებისთვის საჭირო კვლევების განსახორციელებლად საქართველოს სამეცნიერო პოტენციალის შემდგომი განვითარებისთვის.

სტაჟირებიდან საქართველოში დაბრუნების შემდგომ, გერმანიაში მიღებული ცოდნა და გამოცდილება ქართველმა სტუდენტებმა გამოიყენონ და გაავრცელონ ადგილობრივ უნივერსიტეტებსა და კვლევით ინსტიტუტებში.

2.2 პროგრამის ამოცანები:

ფონდისა და გერმანული ცენტრების დაფინანსება ქართველ მაგისტრანტებსა და დოქტორანტებს შესაძლებლობას მისცემს, გერმანულ ცენტრებში სტაჟირების ფარგლებში განახორციელონ მათ სადიპლომო სადისერტაციო ნაშრომების მომზადებასთან დაკავშირებული კვლევები, ასევე

დაამყარონ გრძელვადიანი თანამშრომლობა ჰელმჰოლცისა და გერმანიის სხვა სამეცნიერო ცენტრებისა თუ უნივერსიტეტების მეცნიერებთან შემდეგ შეთანხმებულ კვლევით სფეროებში:

- ა) მათემატიკური მეცნიერებები;
- ბ) საინფორმაციო ტექნოლოგიები;
- გ) საბუნებისმეტყველო მეცნიერებები;
- დ) საინჟინრო მეცნიერებები;
- ე) სიცოცხლის შემსწავლელი და სამედიცინო მეცნიერებები.

2.3 პროგრამის სამიზნე ჯგუფები:

- 2.3.1 ბაკალავრის ხარისხის მქონე (ან მასთან გათანაბრებული ხარისხის მქონე პირები) **მაგისტრანტები**, წელიწადში არაუმეტეს **რვა** კანდიდატისა, რომლებიც ჩაატარებენ გერმანულ ცენტრებში ან გერმანულ უნივერსიტეტებში (რომლებიც თანამშრომლობენ ჰელმჰოლცის ასოცირებულ ცენტრებთან) სამაგისტრო დიპლომისთვის საჭირო კვლევას სამაგისტრო თეზისის მომზადება შეთანხმებული კვლევითი მიმართულებებით.
- 2.3.2 **დოქტორანტები**, წელიწადში არაუმეტეს **ექვსი** კანდიდატისა, რომელთაც აქვთ მაგისტრის ხარისხი (ან მაგისტრის ხარისხთან გათანაბრებული ხარისხი) შეთანხმებული კვლევითი მიმართულებით, რომლებიც ჩაატარებენ გერმანულ ცენტრებში ან გერმანულ უნივერსიტეტებში (რომლებიც თანამშრომლობენ ჰელმჰოლცის ასოცირებულ ცენტრებთან) სადოქტორო პროგრამისთვის საჭირო კვლევას (სადოქტორო თეზისის მომზადება).
- 2.3.3 კანდიდატების რაოდენობა ხელშეკრულების ყველა პარტნიორს შორის იქნება შეთანხმებული კონკურსის გამოცხადებამდე.

3 შეთანხმების ხანგრძლივობა და ვადები:

- 3.1 შეთანხმება ძალაში შედის მისი ორმხრივი ხელმოწერისთანავე და ძალაშია 2026 წლის 31 დეკემბრამდე.
- 3.2 მაგისტრანტისთვის გრანტით დაფინანსებული სტაჟირების ხანგრძლივობა უნდა შეესაბამებოდეს მისი სამაგისტრო პროგრამის კურიკულუმს.
- 3.3 დოქტორანტისთვის გრანტით დაფინანსებული სტაჟირების ხანგრძლივობა შეიძლება იყოს 3 წლამდე, მომდევნო 6 თვიანი გაგრძელების შესაძლებლობით. ვადის გაგრძელება შეთანხმებული უნდა იყოს ფონდსა და ჰელმჰოლცის ცენტრებს შორის და ეფუძნებოდეს შესაბამისი უნივერსიტეტის/კვლევითი ინსტიტუტის ოფიციალურ მოთხოვნას. სტაჟირების ვადის გაგრძელების შემთხვევაში ფონდი არ გასცემს დამატებით დაფინანსებას. ჰელმჰოლცის ცენტრებში კვლევითი სტაჟირების დრო არ უნდა იყოს წელიწადში 8 თვეზე ან/და სემესტრში 4 თვეზე ნაკლები.

4 დაფინანსება:

ფონდისა და გერმანიის ერთობლივი დაფინანსება მოიცავს:

- 4.1 მიზნობრივ საგრანტო დაფინანსებას წინამდებარე ხელშეკრულების 2.3.1 და 2.3.2 ქვეპუნქტებში. განსაზღვრული ფიზიკური პირებისათვის; დაფინანსება ჯამში შეადგენს ყოველთვიურ თანხას. 934 ევროს მაგისტრანტებისთვის და 1468 ევროს დოქტორანტებისთვის და ფარავს ყოველდღიურ საცხოვრებელ ხარჯებს, სამედიცინო ჯანმრთელობის, სამსახურთან დაკავშირებული უბედური შემთხვევებისა და პერსონალური პასუხისმგებლობის დაზღვევა;
- 4.2 სამოგზაურო გრანტებს წინამდებარე შეთანხმების 2.3.1 და 2.3.2 ქვეპუნქტებით განსაზღვრული ფიზიკური პირებისათვის და ითვალისწინებს:
 - ა) ევროკავშირის ფარგლებში წელიწადში ერთ მოგზაურობას სამაგისტრო/სადოქტორო თემასთან მჭიდროდ დაკავშირებულ სამეცნიერო ღონისძიებაზე აქტივობაზე დასასწრებად;
 - ბ) წელიწადში მაქსიმუმ ორ ორმხრივ მგზავრობას საქართველოსა და გერმანიას შორის (ეკონომკლასის ბილეთით).
- 4.3 ყოველთვიური ანაზღაურების 50%-ს ფარავენ გერმანული ცენტრები და 50%-ს ფარავს ფონდი.
- 4.4 სამოგზაურო გრანტებს, რომელიც გულისხმობს ევროკავშირის ფარგლებში მგზავრობას, გასცემს ჰელმჰოლცის ცენტრები.
- 4.5 საქართველო-გერმანიას შორის მგზავრობას აფინანსებს ფონდი.

5 პროგრამაში მონაწილეობისათვის განაცხადის წარდგენის პროცედურა:

5.1 ივ. ჯავახიშვილის სახელობის თბილისის სახელმწიფო უნივერსიტეტის, საქართველოს ტექნიკური უნივერსიტეტის, ილიას სახელმწიფო უნივერსიტეტის, საქართველოს აგრარული უნივერსიტეტის, თავისუფალი უნივერსიტეტის, ქუთაისის საერთაშორისო უნივერსიტეტის ან საქართველოს სხვა უნივერსიტეტების (ჰელმჰოლცის ცენტრებთან შეთანხმებით) მიერ წარდგენილმა პროგრამაში მონაწილეობის კანდიდატმა, ფონდში უნდა წარმოადგინოს შევსებული განაცხადი ელექტრონულად და ბეჭდური სახით ინგლისურ და ქართულ ენებზე.

5.2 განაცხადი უნდა შეიცავდეს შემდეგ დოკუმენტაციას:

ა) შევსებულ განაცხადის ფორმას – თავფურცელს (ქართულად და ინგლისურად);

ბ) გერმანიის მომწვევი ინსტიტუტში გრანტის მამიებლის ხელმძღვანელის (დაწესებულების იურიდიული პირის) უფლებამოსილი პირის მხრიდან გაცემული ოფიციალურ მოწვევის წერილს (ინგლისური ვერსია);

გ) სარეკომენდაციო წერილს საქართველოდან გამგზავნ უნივერსიტეტში ხელმძღვანელისგან (ინგლისურად);

დ) განმცხადებლის ყველაზე მაღალი სამეცნიერო ხარისხის დამადასტურებელ დოკუმენტს (ქართულად, ნათარგმნს ინგლისურად ან გერმანულად);

ე) გერმანული და/ან ინგლისური ენის ფლობის დამადასტურებელ სერტიფიკატს, ან შესაბამისი ცოდნის დამადასტურებელ დოკუმენტს (ინგლისურად ან გერმანულად);

ვ) რეზიუმეს ტაბულარულ ფორმაში (CV in Tabular form ინგლისურად);

ზ) ნაშრომების სიას, სათაურების, თანაავტორების, გამოქვეყნების ადგილის, თარიღისა და სხვა საჭირო დეტალების მითითებით (ასეთის არსებობის შემთხვევაში) ინგლისურად;

თ) კვლევის გეგმას (1–2 გვერდი ინგლისურად), რომელიც შეთანხმებულია გერმანიის მიმწვევ ინსტიტუტთან და რომელიც დაბეჭდილია გერმანული ცენტრის ოფიციალურ ლოგოიან ფურცელზე და ხელმოწერილია აკადემიური ხელმძღვანელის მიერ გერმანული ცენტრიდან.

5.3 ფონდის მიერ მიიღება მხოლოდ სრულყოფილი განაცხადი. არასრულყოფილი განაცხადი არ განიხილება.

6 გრანტის გაცემის პროცედურები და ანგარიშგება:

6.1 ფონდში განაცხადების წარმოდგენის შემდეგ, ფონდი ამოწმებს დოკუმენტაციის შესაბამისობას ჩამონათვალთან. წინამდებარე შეთანხმების 5.2 ქვეპუნქტში მოთხოვნილი დოკუმენტების.

6.2 ტექნიკური ხარვეზის აღმოჩენის შემთხვევაში, ფონდი სთხოვს განმცხადებელს 5 დღის ვადაში წარმოადგინოს შესაბამისი დოკუმენტი.

6.3 ფონდი ადგენს შემოსული განაცხადების ერთიან სიას, რომელშიც შედის წინამდებარე შეთანხმების 5.1 პუნქტში მითითებული საქართველოს უნივერსიტეტების მიერ წარდგენილი კანდიდატურები (მაგისტრანტებისთვის და დოქტორანტებისთვის, წელიწადში მაქსიმუმ 8 მაგისტრანტი და 6 დოქტორანტი) და სრულ დოკუმენტაციასთან ერთად, ელ. ფოსტით აგზავნის განაცხადებს ჰელმპოლცის ინსტიტუტში განსახილველად და დასამტკიცებლად.

6.4 საბოლოო გადაწყვეტილებას განაცხადების დამტკიცების თაობაზე იღებენ გერმანული ცენტრები.

6.5 გერმანიის მხრიდან მოწოდებული დამტკიცებული დოკუმენტების საფუძველზე, ფონდი აფორმებს საგრანტო ხელშეკრულებებს შესაბამის პირებთან (მაგისტრანტებთან და დოქტორანტებთან) და აფინანსებს მიზნობრივ საგრანტო დაფინანსების ყოველთვიური გრანტის) ბიუჯეტის 50%-ს და წელიწადში მაქსიმუმ ორ ორმხრივ მგზავრობას საქართველოსა და გერმანიას შორის.

6.6 გრანტის მიმღები ახალგაზრდა მეცნიერი (მაგისტრანტი, დოქტორანტი) ანგარიშვალდებულია პროგრამის დასრულების შემდეგ, საქართველოში დაბრუნებიდან 21 დღის ვადაში ფონდში წარმოადგინოს მოკლე მოხსენებითი ანგარიში (ფონდის მიერ დამტკიცებული ფორმის მიხედვით) გაწეული საქმიანობის შესახებ და ფინანსური ანგარიში (პირველადი დოკუმენტები/ასლები) ფონდის მიერ მისი სამგზავრო ხარჯების დაფინანსების შემთხვევაში.

6.7 მოხსენებით ანგარიშ(ებ)თან ერთად, გრანტის მიმღებმა ამავე პერიოდში უნდა წარმოადგინოს გერმანიის მიმწვევ ინსტიტუტში მისი ხელმძღვანელის შეფასება მაგისტრანტის/დოქტორანტის მიერ პროგრამის ფარგლებში განხორციელებული საქმიანობის შესახებ (ინგლისურ ენაზე).

6.8 თითოეულმა მხარემ უნდა უზურუნველყოს თავის პერსონალის უსაფრთხოება სოციალური უზურუნველყოფის, სამრეწველო უბედური შემთხვევისა და სამრეწველო დაავადებების სქემებთან დაკავშირებული მოქმედი კანონმდებლობის შესაბამისად. ასევე, განახორციელოს მისი პასუხისმგებლობის ფარგლებში არსებული სათანადო ვალდებულებები.

მასპინძელი უნივერსიტეტის შენობებში ყოფნისას მოწვეული პერსონალი უნდა ექვემდებარებოდეს უსაფრთხოებისა და სხვა არადისციპლინურ წესებსა და რეგულაციებს, რომლებიც მოქმედებს მასპინძელი პარტნიორი. პერსონალმა უნდა დაიცვას მასპინძელი უნივერსიტეტის დანიშნული წარმომადგენლის მიერ მიცემული ტექნიკური ინსტრუქციები. მასპინძელ უნივერსიტეტს უფლება აქვს უარი თქვას ან ჩამოაშოროს თავისი შენობის ნებისმიერი პერსონალი, რომელიც არ შეესაბამება მოქმედ რეგულაციებს.

უხეში დაუდევრობის ან განზრახვის გარდა, თითოეული მხარე ანაზღაურებს საკუთარ დანაკარგს და პერსონალის გაცვლასთან დაკავშირებულ ზარალს აღნიშნული შეთანხმების მიხედვით. ასევე, არც ერთი მხარე არ იქნება პასუხისმგებელი სხვა მხარის წინაშე რაიმე არაპირდაპირი ან თანმიმდევრული დანაკარგის ან ზიანისთვის. ნებისმიერი პირის დაზიანების შემთხვევაში გამოიყენება იმ სახელმწიფოს კანონმდებლობა, რომელშიც მიყენებულია დაზიანება.

7 დამატებითი პირობები:

7.1 ნებისმიერ მხარეს შეუძლია შეწყვიტოს ეს ხელშეკრულება ნებისმიერ დროს, მეორე მხარისათვის ოცდაათი (30) დღით ადრე წერილობითი შეტყობინების გაგზავნის გზით, წინამდებარე მემორანდუმის ინტერპრეტაციასთან ან გამოყენებასთან დაკავშირებით მხარეებს შორის წარმოქმნილი ნებისმიერი სადავო საკითხი გადაიჭრება მათ შორის მოლაპარაკებების გზით.

7.2. ხელშეკრულება შედგენილია ოთხ ეგზემპლარად ინგლისურ და ოთხ ეგზემპლარად ქართულ ენაზე. ყველა დოკუმენტს გააჩნია თანაბარი იურიდიული ძალა.

7.3 ხელშეკრულებაში ცვლილებები ან/და დამატებები შეიძლება განხორციელდეს მხოლოდ მხარეთა წერილობითი შეთანხმებით, რაც ხელშეკრულების არსებითი ნაწილია. ხელშეკრულების მხარეების რეკვიზიტების შეცვლის შემთხვევაში, საკმარისია მხარის მიერ მეორე მხარისათვის მხოლოდ წერილობითი ცნობის გაგზავნა, რაც, შესაბამისად, არ საჭიროებს ხელშეკრულებაში ცვლილების შეტანას.

8 ფორსმაჟორი:

ხელშეკრულების პირობები ან რომელიმე მათგანი შეიძლება შეჩერდეს, შეიცვალოს ან გაუქმდეს ფორსმაჟორული გარემოებების გამო და ეს არ ჩაითვლება ხელშეკრულების პირობების შეუსრულებლობად ან დარღვევად და, შესაბამისად, არ გამოიწვევს ხელშეკრულების მხარეების პასუხისმგებლობას.

9 ექსპორტის კონტროლი და PEACE პუნქტი

9.1 წინამდებარე შეთანხმებით გათვალისწინებული ყველა საქმიანობა განხორციელდება ექსპორტის კანონმდებლობის მოქმედი ეროვნული, ევროპული, აშშ-ამერიკული და საერთაშორისო დებულებების შესაბამისად, ემბარგოების და/ან სხვა სანქციების ჩათვლით.

9.2 საქონლის, პროგრამული უზრუნველყოფის, ტექნიკური მხარდაჭერის, საიდუმლო ინფორმაციის და/ან ტექნოლოგიების გადაცემისას, თითოეულმა მხარემ სრულად უნდა იხელმძღვანელოს ექსპორტის კონტროლის მოქმედი ეროვნულ კანონებითა და რეგულაციებით (გერმანია და საქართველო), აგრეთვე ევროპულ და საერთაშორისო ექსპორტის კონტროლის სხვა მოქმედი კანონებით საჭიროებისამებრ არსებული სათანადო თანხმობის მიღების შედეგად. თუ ერთ-ერთი მხარე მეორე მხარისგან მოითხოვს, მიაწოდოს საჭირო ინფორმაცია ზემოაღნიშნული შემთხვევების პროცედურებისთვის, მოთხოვნის მიმღები მხარე დაუყოვნებლივ მიაწოდის ინფორმაციას.

9.3 ყველა მხარე უზრუნველყოფს, რომ წინამდებარე შეთანხმების ფარგლებში მოწოდებული რესურსები (მაგ. ტექნოლოგია, ნოუ-ჰაუ, საქონელი, მომსახურება, ფული) ექსკლუზიურად გამოიყენება (ან გადაცემულია) არასამხედრო მიზნებისთვის. ასევე, არავითარ შემთხვევაში არ იქნება გამოყენებული უკანონო თვალთვალისთვის, შინაგანი რეპრესიების და/ან ადამიანის უფლებებისა და საერთაშორისო ჰუმანიტარული სამართლის მძიმე დარღვევების ჩადენის მიზნით. არცერთი მხარე არ გამოიყენებს ამ ხელშეკრულების ფარგლებში მოპოვებულ შედეგებს, საქონელს, პროგრამულ უზრუნველყოფას, ტექნიკურ მხარდაჭერას, საიდუმლო ინფორმაციას და/ან ტექნოლოგიებს და მათ დუბლირებას; ნებისმიერი სამხედრო მიზნებისთვის ან საერთაშორისო მშვიდობისა და უსაფრთხოების დარღვევის მიზნით, მათ შორის, მასობრივი განადგურების იარაღის (ბირთვული იარაღი, ქიმიური იარაღი, ბიოლოგიური იარაღი ან რაკეტები) განვითარების, წარმოების, გამოყენების ან შენახვის მიზნებისთვის. არც ერთმა მხარემ არ უნდა მიაწოდოს ისინი მესამე მხარეს, რომელიც, ყველა მხარის ცოდნით, აპირებს მათ გამოყენებას ზემოაღნიშნული მიზნებისთვის.

10 საკონტაქტო პირები:

ფონდის მხრიდან:

რუსუდან ჯობავა

საერთაშორისო ურთიერთობებისა და ფონდის მოზიდვების სამსახურის უფროსი

სსიპ – შოთა რუსთაველის საქართველოს ეროვნული სამეცნიერო ფონდი

მ. ალექსიძის ქ. მე-2 შესახვევი, N2 0193, თბილისი, საქართველო

jobava@rustaveli.org.ge

იულიხის მხრიდან:

ევა პორტიუსი

კორპორაციული განვითარება

საერთაშორისო ურთიერთობების მენეჯერი

იულიხის კვლევითი ცენტრი

D-52425 იულიხი, გერმანია

e.portius@fz-juelich.de

დრეზდენ-როზენდორფის ცენტრის მხრიდან:

სანდრა ჰამანი

პროგრამის გეგმა და საერთაშორისო პროექტები

დრეზდენ-როზენდორფის ჰელმჰოლც ცენტრი

D-01328 დრეზდენი, გერმანია

s.hamann@hzdr.de

მძიმე იონის კვლევის ცენტრის მხრიდან:

პრადიპ გოში

საერთაშორისო თანამშრომლობის უფროსი

ჰელმჰოლცის მძიმე იონის კვლევის ცენტრი

D-64291 დარმშტადტი, გერმანია

Pr.Ghosh@gsi.de; International@gsi.de

თბილისი, 5/12/ 2023

სსიპ - შოთა რუსთაველის საქართველოს ეროვნული სამეცნიერო ფონდი



თეიმურაზ დოჭვირი

გენერალური დირექტორი

გერმანული ცენტრები:

იულიხის კვლევითი ცენტრი



ნორბერტ დრევსი

კორპორაციული განვითარების უფროსი



პიეტერ კანსენსი


დირექტორთა საბჭოს წევრი

ჰელმჰოლცის დრეზდენ-როზენდორფის ცენტრი



დიანა სტილერი

ადმინისტრაციული დირექტორი



სებასტიან შმიდტი

სამეცნიერო დირექტორი

ჰელმჰოლცის მძიმე იონის კვლევის ცენტრი



იორგ ბლაუროკი

ტექნიკური მმართველი დირექტორი



პაოლო გიბელინო

სამეცნიერო მმართველი დირექტორი